

異魚圖贊補引

戊午之役缺望禹門自分泥蟠畢此生矣同社多挾策
走長安而余復負笈入山寺章句瀋餘旣所僧對覓話
老衲外惟日披古函散帙以喻適志耳偶簡升菴先生
異魚圖贊不避疎淺漫摭見聞詮次如卷已而老衲見
之戲謂曰美淵不如結網獲鮮可以忘筌余服膺其得
斲輪微旨異日持青春墨頭十數魚名暨山海經所載
珠螿之類來訊則又升菴先生所遺者余因類搜其遺
補之維時陽萌寒谷氣啓負冰聊借筆墨作濡响緣以

傲簡蟬曰余將彈鋏衡泌不欲自爾分飽神仙字也稿
成命兒子輩較正魯魚乃亦彷彿箋如左凡三卷又閨集
一

萬曆戊午長至日蒲亭胡世安識

魚圖贊補目錄

卷上

鮒魚 箋附見二種

青春魚

香魚

墨頭魚 箋附一種

馬嘉魚

儵鮓

鮠魚 別名鱉與鱣混

杜父魚

勒魚

沉虎 潛鹿

黃魴魚

油魚

黃鯛魚

白魚

陽鱈

白鱧

鰩魚 舊譌石首

鮐魚

印魚

井魚

毛魚

箴魚

鮑鮮魚

鱗魚

半湯魚

風雨魚 凡二種箋附二種

海燕魚 有二種

鬪魚 有三名

毒魚 僅三種另見者不入

卷中

珠蟹魚

茈魚

鱧

赤鱮 箋附見一種

鱒魚 箋附見二種

修碎魚 箋附見一種

鱸魚

莽魚

鮮魚

羸魚

鱖魚 箋附見一種

冉遺魚

儵魚 音猷與音條殊類

滑魚 鱧魚

脂魚

化魚 三種

逆鱗魚

無鱗魚

二名魚 十種

複名魚 六種

倮虫魚 十二種

區別魚 十二種

尾魚 八種

色魚 十種

器形魚 八種

異同魚 十種

羽鮮 六種

亂墳魚 十種

卷下

互錯部

鼈

鼯

龜

二贊

能賁

多目龜

鼈

蟹

蝥蟬

互見前擁劍箋

虎蟬

彭蟬

箋附見二種古今注作小蟹六書說小異

數九

百足蟹

蟻

箋附見二種

蝦

裸步

寄居

亦名寄生箋附見三種

海朮

海扇

卽車渠

蟻

蜆

蛭

箋附見一贊

土鐵

一作土蛭

土肉

西施舌

海參

沙喫

○石勃卒

魚類補一百五十四種贊五十七首

互錯補三十八種贊二十八首

閩集

摩竭大魚

又名摩伽羅番云鯨

海多

鱠楯

以下海魚凡二十種箋附八種

箸魚

帶魚

竹魚

腹似青魚色似竹味似鱖出橫州海中

烏頰

赤鯨

鮓魚

水棍 松魚 沙姜魚

鯧魚 波郎 青鱗

黃雀 白雀

江魚 流魚

花鮓 娘哀

柔魚 海產止此

鮓魚

鮓魚

沙綠魚

石鱉魚

鮓魚

江蟻 介屬

蝟

沙蠶 土穿

半體魚

毬魚

異魚圖贊補卷上

蜀仙井處靜甫胡世



男非璞甫胡璞

門人元生甫雷瑄

同箋

鮒魚

鮒魚肖鯉產淺海濇非鱗非鱗音皆混系首匾身圓骨
軟肉細大者號鮒子味靡儷

兩航雜錄鮒魚似鯉生淺海中專食泥身圓口小骨
軟肉細似鮒而大者曰鮒神仙傳介象與吳王共論

魚以鮓爲上取其益陰○張九嶼頌駕青虬驂玄螭
肥而癡溼而滯似鳥則比黑魚不嫌入淤而食泥猶
堪哺糟與啜醢○養魚經松之人于潮泥地鑿池仲
春潮水中捕鮓盈寸者養之秋而盈尺腹背皆腴爲
池魚之最是食泥與百藥無忌其子味更佳京口錄
云頭匾而骨軟惟喜食泥色緇黑故名粵人訛爲子
魚閩志云目赤而身圓口小而鱗黑至冬能牽被而
自藏○李時珍云生東海狀如青魚長者尺餘其子
滿腹有黃脂味美獺喜食之吳越人以爲佳品醃作

鮓腊○齊諧記魏明帝見雒水白獺不可得徐邈曰
獺嗜鮓魚不避死乃刻畫板作鮓形懸于岸羣獺競
來一時執得○鮓魚出餘姚子鱗魚出山陰

青春魚

青春非鯽而有鯽名身扁鱗白腴美可鯖清明改候腦
內蝨生肉瘦味減不中燂烹

海味索隱青鯽歌探茅積得玄鯽顏如漆味如腊煮
白石防中咽啖蟠桃吐崑核比五葷是雞肋中間棄
之殊可惜屠本峻云青春魚身扁而鱗色俱白以背

上一條青脊得名非青鯽魚也其膏腴甚美出秦化縣士庶咸珍之在諸魚之上過清明時候腦中生蟲名魚蝨其蝨漸大而魚亦漸瘦便不堪食矣豈張將軍食此魚正在生蝨時耶但脊作鯽土人故自訛耳○魚書黃魚狀似鮳魚而小一名青鯽寧波出者佳鱗薄刺柔海人尚之

香魚

雁珍雜錄雁山五珍謂龍湫茶觀音竹金星草山樂春徂冬

雨航雜錄雁山五珍謂龍湫茶觀音竹金星草山樂官香魚也士人朱太守素無宦情嘗曰豈以五斗易五珍香魚鱗細不腥春初生月長一寸至冬月長盈尺則赴潮際生子生已輒稿惟雁山溪澗有之他無有也一名記月魚

墨頭魚

墨鱸類鱠出以三月漁火夜伺其來勃窣好事相傳墨瀋攸澗

墨頭魚屬嘉州出形狀類鱠子長者及尺其頭黑如

墨頭上有白子二枚又名北斗魚常以二三月出漁
人以火夜照又之惟郭璞臺前乃有世傳璞著書臺
上魚吞洗硯之墨所化或名墨鱸○方物略云黑頭
魚形若鱣長者及尺出嘉州歲三月則至惟郭璞臺
前有之里人欲怪其說則言璞著書臺下魚吞其墨
故首黑贊曰黑首白腹脩體短額春則羣泳促習斯
獲嘉州又有客朗魚似鮓肉嫩而美不恒有也

馬嘉魚

福之馬嘉燕尾銀膚春夏乳子始與潮徂知進昧退見

東採羅

癸辛雜識姚鎔效柳河東三戒作三說其一曰福之
馬嘉云海有魚曰馬嘉銀膚燕尾大者視睟兒鬣而
火鱸之可致遠常淵潛不可捕春夏乳子則隨潮出
沒而上漁者用此時簾而取之簾爲疏目廣袤數十
尋兩舟引張之縋以鐵下垂水底魚過者必鑽觸求
進愈束愈怒則頰張鬣舒鉤着其目致不可脫向使
觸網而能退却則悠狀逝矣知進而不知退用罹烹
醢之酷悲夫

儵鮠

浮陽之魚名曰儵鮠狀如柳葉羣游發發胠沙望洋有懷莫豁省枯魚書徒增嗟咄

荀子儵

音鮠 當作鮠

者浮陽之魚也胠

祛

于沙而思水

則無逮矣挂于患而欲謹則無益矣○本草名鯨魚一名鰲魚一名鮠魚條其狀也粲其色也囚其性也李時珍云生江湖中小魚長僅數寸形狹而扁狀如柳葉鱗細而整潔白可愛性好羣游最宜鮓菹

鮠魚

腮有三四彷彿淞鱸雖有鰲名與鮠類殊

兩航雜錄鮠魚狀似鱸而肉粗三腮曰鮠四腮曰茅

鮠樂清志所謂鰲

音敏

魚是也一曰茅狂○林日瑞漁

書云鮠狀如石首而大色黑多鱗巨者鱗如海鏡眼如碗重數十斤生淡海中可脯可醢其膠絕堅美工師為几案諸器物常用之○篇海鮠鮠同音憤即鰲也此魚圓如盤口在腹下尾有毒此似另種互見黃魴

箋

杜父魚

溪澗小魚爰有杜父狀類吹沙口澗喙脊脊鬚雖螯渡
父攸臙

杜父魚一名渡父魚一名黃魴音公魚一名船石魚臨
海志名伏念魚古今注江東呼童子魚爲土父是也
李時珍云溪澗小魚渡父所食故名見人則以喙插
入泥中如船石也陳藏器云杜父魚生溪澗中長二
三寸狀如吹沙而短其尾岐大頭澗口其色黃黑有
斑脊背上有鬚刺螯人

勒魚

東南海中夏初謾謾渙人設網伺鱮次逐狀刺如鱮冰
鮮是齏甜瓜若生骨帶尋熟

本草此魚腹有硬刺勒人故名出東南海中以四月
至漁人設網候之聽水中有聲則魚至矣有一次二
次三次乃止狀如鱮魚小首細鱗腹下有硬刺如鱮
腹之刺頭上有骨合之如鶴喙形乾者謂之勒齏吳
人嗜之甜瓜生者用勒齏骨插蒂上一夜便熟石首
齏骨亦然○養魚經鱮魚腹下之骨如鋸可勒出與
石首同時海人以冰養之而齏于諸郡謂之冰鮮

沉虎 潛鹿

惟海蠻師魚身虎首爰彼潛鹿亦班龍偶變化無恒孰是樞紐

談乘沉虎虎頭魚也潛鹿鹿頭魚也互見前鮫箋○夢溪筆談嘉祐中海中漁人獲一物魚身而首如虎亦作虎文有兩短足在肩指爪皆虎長八九尺視人輒淚下昇至郡中數日方死有父老云昔年曾見之謂之海蠻師狀書傳小說未嘗載○臨海水土異物忘鹿頭魚有兩角如鹿又雷州出虎鯨鹿鯨電白海

中有鹿魚梅聖俞有鹿角魚詩海中魚角蠢蠢不擬龍乃擬鹿嶺表錄異鹿子魚顏色其尾鬣皆有鹿斑赤黃色羅州圖經云州南海中有洲每春夏此魚跳出洲化而爲鹿曾有人拾得一魚頭已化鹿尾猶是魚南人云魚化爲鹿肉腥不堪食

黃魴魚

魚曰黃魴音烘身似柵葉頭尖無鱗末刺堪憎

酉陽雜俎黃魴魚色黃無鱗頭尖身似大柵葉口在頷下眼後有耳竅通于腦尾長一尺末三刺甚毒○

兩航雜錄魚形圓似扇無鱗色紫黑口在腹下尾
長于身如狸鼠其最大曰鮫其次曰錦鮠曰黃鮠曰
斑鮠曰牛鮠曰虎鮠紅或作鮠文選所謂鱣魚也尾
端有刺甚毒大抵海魚性尤熱于諸魚不可常餐

油魚

河首石穴油魚所裔三寸而修豈鮠之儷肥以中秋炙
食腴毳

油魚在雲南鄧川州南上有耳池又五里爲油魚穴
魚長僅二三寸中秋則肥孟冬則絕○沮水記云河

首鬐有石穴八九月產油魚甚肥人謂水鹹則狀油
魚視鮠魚更小而肥美過之炙則腴毳

黃鮠魚

黃鮠小魚身扁鱗白闊不踰寸長不近尺可充酢菹宜
于燂炙黃姑黃骨呼訛南北

本草黃鮠魚生江湖中小魚也狀似白魚而頭尾不
昂扁身細鱗白色闊不踰寸長不近尺可作鮓菹煎
炙甚美按魚腸肥曰鮠此魚腸腹多脂漁人煉取黃
油然燈甚腥南人訛呼黃姑魚北人訛呼黃骨魚

白魚

北勝陳海白魚是有江湖類生太湖擅獨鱗鮠殊翻武舟戩穀雄詮鮠名崔豹有錄

一統志白魚出雲南北勝州陳海狀如鯉而色白又淮水出白魚和州出淮白魚○避暑錄太湖之白魚冠天下梅雨後十有五日入時白魚最盛謂之時裏白○本草亦作鮠一名鱗魚白者色也喬者頭尾向上也劉翰云生江湖中頭昂大者長六七尺李時珍云鮠形窄腹扁鱗細頭尾俱向上肉中有細刺武王

白魚入舟卽此○古今注白魚雄者曰鮠子好羣浮水上名白萍

陽鱈

迎釣輒吞陽鱈則爾肉燥無味質薄不美譬彼冠蓋前塵倒屣賢喆烹鮮云胡不鄙

說苑宓子賤爲單父宰過陽晝曰子亦有以送僕乎陽晝曰夫投綸錯餌迎而吸之者陽鱈也其爲魚薄而不美若存若亡若食若不食者魴也其爲魚博而肉厚子賤曰善未至單父冠蓋迎之者交接于道子

賤曰車驅之車驅之夫陽晝之所謂陽鱗者至矣于是請耆老尊賢者而與之共治

白鱧

魚之貴者爰有白鱧納池白露違時則賤

養魚經曰鱧乃魚之貴者白露左右始可納之池中或前一月或後一月皆不育漁人攜于舟若煎炙油氣觸之則目瞎京口錄云巨首細鱧池塘中多畜之

鰓魚

魚饕類者江湖有鰓志訛石首食療混鯨其實三種稍

有異同

李時珍云鰓性啖魚其目瞶視故名異物志作石首非也食療作鯨鯨生江湖中體圓厚而長似鰓魚而腹稍起扁額長喙口在額下細鱗腹白背微黃色亦能噉魚大者二三十斤

鮮魚

閩莆有鮮鮮食朶頤剖腹子滿玄冬佳時

王得臣塵史鮮魚閩中鮮食最珍者長七八寸濶二三寸剖之子滿腹冬日正其佳時莆田迎仙鎮乃其

出處黃公度云莆中佳產惟子魚紫菜荔枝蠣房也
○宋方勺泊宅編興化軍子魚惟通應大師廟前者
最美世稱通應子魚而東坡詩通應子魚猶帶骨應
作印恐誤○漁書子魚似青魚而小正二月間佳此
種海上多有之惟鹹淡水之交其品獨擅又有青鮓
白鮓大同小異海人能辨之臨安只子魚一種大則
鮓魚也生江中者勝他產類說秦檜夫人嘗春日入
宮顯化太后言近日子魚大者絕少夫人曰妾家有
之常以百尾進歸告檜咎其失言乃謀之客以青魚

進后撫掌大笑云我道這婆子村果狀

印魚

竹載篆籀注諸魚死似青而修捕必先祀勝鶚炙者彼
或疑此

雜俎印魚長一尺三寸額上四方如印有字諸大魚
應死者先以印封之○明黃鐵橋海語印魚出南海
中似青魚而修廣過之頭骨中拆如解顱之嬰頰後
垂皮方徑三寸許若道巾之披餘狀上有黑文儼如
篆籀鳥夷間有獲者必珍藏之○述異記城陽縣南

有堯慶都墓前一池魚頭間有印文謂之印頰魚若非祀者捕而不得○郭祥正詩仙魚通印勝鸚鵡亦猶蘇之誤也

井魚

井魚腦穴噴水濺濺經其喙吐變海而泉

雜俎井魚腦有穴每翕水輒于腦穴蹙出如飛泉散落海中舟人競以空器貯之海水鹹苦經魚腦穴出反澹如泉水焉成式見梵僧善提勝說

毛魚

南海洞穴陰源下通中有毛魚與龍同宮鬣鬚領豪可貼屏風

拾遺記南海之國有洞穴陰源其下通地脉中有毛龍毛魚同穴而處○續博物志海州有人持一束黑物形如竹篾云海魚腮中毛可作屏風貼色似水牛角頭似猪鬃長二尺四寸廣可一寸

箴魚

喙有箴紋字曰箴魚形同鱸殘疫疾用除釣鍼所化俗說堪啖

本草作鱣臨海志作銅吮魚東山經栲狀山沢水出焉北注于湖中多箴魚狀如儵其喙如箴食之無疾疾○寰宇記鱣魚生江湖中大小形狀并同鱸殘但喙尖有一細黑骨如鍼是異耳俗云姜太公釣鍼所化又名姜公魚○志吳江出針口魚首載鍼芒身長五六寸土人多取克鱸

鮓鮮魚

鮓鮮之魚體薨中薄溟澂所饒市克瘴藥一統志澂江府河陽縣出鮓鮮魚一名康郎魚雲南

諸府買作瘴藥一作溟寔注溟寔空貌今此魚亦乾而中空

鱣魚

鱣魚無骨臄膩如膏徒哆厥口不足以豪

兩航雜錄鱣魚身柔如膏無骨鱣細口濶齒多一作鱣海上人目人弱者曰鱣○海味索隱頌豐若無臄柔若無骨截之肪耶盡之脂耶乳沉雪山鉢底酥疑玉門關外露滴仙盤掌中其卽若箇之化身也耶四明屠本峻云水族風味真上品也一作風鱣

半湯魚

半湯湖魚互入輒死亦如鱮魚不入江水

一統志應天府東北有半湯湖水同一壑而冷熱相半熱可瀹雞中皆有魚魚交入輒死民引熱水溉田一歲再熟○埤雅鱮魚入江水輒死韓文公詩江魚不池活今魚生流水中則背鱗白而味美生水則背鱗黑而味惡亦一驗曹植云鹹水之魚不游于江澹水之魚不入于海

風雨魚

海鷁風使白袋兩奴性同箕畢羽角形殊

雨航雜錄海鷁魚亦文鱈類也形似鷁有肉翅能飛上石頭齒如石板出主風又有白袋魚似牛而白自

海入江則兆水澤謠曰海鷁風伯使白袋雨師奴○

釋名海鷁魚一名邵陽魚食鑑作少陽魚一名荷同

魚一名鱮魚一名鱮魚一名蕃踰魚一名石蠟陳

藏器云生東海尾有大毒逢物以尾撥而食之其尾

刺人三刺中之者死二刺者困一刺者可以救候人

溺處刺釘之令人陰腫痛拔去乃愈海人被刺毒者

以魚尾竹及海獺皮解之又有鼠尾魚地青魚並生
南海俱有肉翅刺在尾中食肉去刺○李時珍云海
鰯魚江湖亦時有之狀如盤及荷葉大者圍七八尺
無足無鱗背青腹白口在腹下目在額上尾長有節
螫人最毒皮色肉味俱同鮎魚肉內皆骨節節聯比
脆軟可食吳人腊之魏武食制蕃踰魚大者如箕尾
長數尺是已卽漳泉所謂鱖魚嶺表錄異雞子魚嘴
形如鶴肉翅無鱗色類鮎魚尾尖而長有風濤卽乘
風飛于海上此亦海鰯類也○南越記天牛魚方圓

三丈眼大如斗口在脇下露齒無脣兩角如守門
翼長六尺尾長五尺或亦白袋類也

海燕魚

魚有海燕大小種殊聲如牛者矯然潮驅以寸計者陰
雨翔區

廣古今五行記齊鹽官縣石浦有海魚乘潮來去長
三十餘丈黑色無鱗其聲如牛土人呼爲海鷲○本
草海燕出東海大一寸狀扁面圓背上青黑腹下白
脆似海螵蛸有紋如葦齒口在腹下食細沙口旁有

異魚圖贊補 卷上
五路正勾卽其足也臨海水土記陽遂足生海中色青黑腹白有五足不知頭尾生時體英死卽乾脆正此異物志載燕魚長五寸陰雨則飛起亦卽此主治陰雨發損痛亦入滋陽藥

鬪魚

有魚矯悍斑紋炫盼習訓爭長里兒競參

宋張世南遊宦紀聞三山溪中產小魚斑紋赤黑相間里中兒參之角勝負爲博戲昔有鬪禽未見有鬪魚亦可觀也聞永嘉亦有之○稗史波師魚俗名師

婆魚其大如指鬚鬣具五采兩腮有小點如黛性矯悍好與魚鬪○五雜組閩莆中喜鬪魚其色爛熳喜鬪纏繞終日尾盡齧斷不解此魚吾郡亦有之俗名錢升魚畜之盆中諸魚無不受齧人皆惡之而莆人乃珍重如許良可怪也

毒魚

號師越龜及籬頭溺人中厥毒亦孔之戚

北山經饒山歷號之水出焉東注于河中有師魚食之殺人陳藏器云魚師大者有毒殺人今無識者但

唐韻鯨老魚也及北山經所云其卽此與○南越志
續尾魚有毒一名龜魚西陽雜俎傍海大魚脊上有
石十二一名籬頭溺一名螃螿其溺甚毒

異魚圖贊補卷上

終

異魚圖贊補卷中

珠螿魚

珠螿足六如肺有目瘰癧若逐甘酸盈芻

東山經葛山澧水出焉東注于余澤中多珠螿魚其
狀如肺而有目六足有珠其味酸甘食之無癘一統
志生高州海中四目六足而吐珠呂氏春秋澧水魚
之美者名曰珠螿淮南子蛤蜊珠螿與月盛衰埤雅
螿珠在足皆指此也

茈魚

泚水此魚一首十身臭越麋蕪失氣以跋
東山經東始山泚水出焉中多此魚狀如鮒一首而
十身其臭如麋蕪食之不糲孚注止失氣也按朔法
師混作鯨魚非

鯨魚

鯨好陵居鮒羽蛇尾音如留牛夏生冬死

南山經柰陽山之東

柰音帶

山多水有魚焉狀如牛陵

居蛇尾有翼其羽在鮒

亦作脅

下其音如留牛名曰鯨

冬死而夏生食之無腫疾

赤鯪

卽翼赤鯪是醫疥瘰人面鳥音苛質漾淥比之陵魚而
無手足

篇海作鮒鯪南山經青丘山英水出焉南注卽翼之
澤中多赤鯪其狀如魚而人面音如鴛鴦食之不疥
○海內北經陵魚人面手足魚身在海中

鱒魚

鱒音團狀曾鮒音毛竊豚不利于見鱒薄之倫

南山經雞山黑水出焉南注于海中有鱒魚狀如鮒

而毳毛音如豚見則天下大旱○東山經獨山末塗
之水出焉東南注河中多條鱗狀如黃蛇魚翼出入
有光見則其邑大旱又女蒸山膏水出焉西注于鬲
水中多薄魚狀如鱸而一目其音如歐謂如人
嘔吐聲見則
天下大旱

修辟魚

鼈形鳴聲維喙則白功埒豪魚厥名修辟

中山經橐山橐水出焉北注于河中多修辟之魚狀
如鼈而白喙其音如鳴食之已白癩○又渠西之

水中多豪魚狀如鮪赤喙尾赤羽可以已白癩

鱸魚

鱸魚貌鮒其文則黑希夷先生或不薦食

中山經來需之水出于半石山陽而西注于伊中多
鱸魚黑文其狀如鮒食者不睡

莽魚

莽魚形大龜首鼈身患劇鶻獺性最不仁

中山經槐水之河有莽魚其形至大龜首鼈身是河
內所出魚盡皆食之

蚌魚

招水源禹鮮厥府藏魚尾兩足狀鼈音羊

西山經英山禹水出焉北注于招水中多鮮魚狀如鼈音如羊郭注狀如龜而魚尾二足

羸魚

濛水注洋有羸泳斯音鴛翼鳥陽侯是毗

西山經邽山濛水出焉南注于洋中多羸音螺玉魚

魚身而鳥翼見則其邑大水

鯀魚

鯀魚渭產其狀如鱣觀等朱孺休鯀代蠲

西山經鳥鼠同穴之山渭水出焉東注于河中多騷魚動則其國有大兵○東山經耿山有獸狀如狐而魚翼名曰朱孺其鳴自叫見則其國有恐○中山經少室之山休水出焉北注于雒中多鯀魚狀如蟄雌而長距足白而對食者無蠱疾可以禦兵

冉遺魚

北注陵羊是曰宛水誕育冉遺目如馬耳蛇首六足朋締侶鮪捐眯禦凶山經稱美

西山經英鞮山澗水出焉北注陵羊之澤多冉遺或作
鬣之魚魚身蛇首六足其目如馬耳食之使人不昧
寐可以禦凶

儵魚音猷

汨和損平莫慘于憂詩詠萱草山經則儵舊圖贊

北山經帶山苾湖之水其中多儵魚狀如雞而赤色
三尾六足四首其音如鵲食之已憂一云亦可以禦
火○或謂萱草二句應改云霍山朏朏苾水則儵更
切按中山經霍山有獸狀如狸而白尾有鬣名曰朏

朏食之可以已憂

滑魚 鱧魚

諸毗有滑泰澤有鱧已疣功並宜用克庖

北山經求如山滑水出焉西注于諸毗之水中多滑
魚狀如鱣赤背其音如梧食之已疣又獄法山瀼澤
之水出焉東北注于泰澤中多鱧魚狀如鯉而雞足
食之已疣又展水鱧魚亦已疣見前

鮪魚音誦

鬻水鮪魚兒音犬首琴牧而存吾以薦酒

北山經北獄山諸懷之水出焉西注于羣水中多鮪魚魚身而犬首音如嬰兒食之已狂

化魚

鱗而毛羽黃魚化鵠泡變豪豬沙魚更虎

倦游雜記黃魚化爲鸚鵡泡魚大者如斗身有刺化爲豪豬沙魚之斑者化爲虎○臨海記魚虎各土奴魚陳藏器云生南海頭如虎背皮如猬有刺着人如蛇咬能化豪豬亦有變虎者○海語虎頭鯊化虎惟四足難化經月乃成或曰虎文直而疎且長者魴化

也炳炳成章者常虎也

逆鱗魚

魚逆鱗者仙經肉芝詭質殊育明遠志之

瑣碎錄魚逆水而上鳥向風而立取其鱗羽之順也按紀聞逆鱗魚仙經謂之肉芝○鮑昭登雷岸與妹令暉書繁化殊育詭質怪章則有芒須針尾之族逆鱗反舌之屬

無鱗魚

黃帝遊雒見鯉無鱗其長三丈赤文青身

倮出魚

竊人形號貴賤皆備水國塵寰易地一視

北山經龍侯山泱泱之水出焉東注于河中多人魚狀如鯀四足音如嬰兒食之無癡一作疾又竹山竹

水出焉熊耳之山浮濠之水出焉陽華之山楊水出焉朝歌之山無水出焉其中皆多人魚陶弘景云人魚膏燃之不消秦皇驪塚所用人膏是也軋道六年湖州市口弄蛇客養一魚于瓦盆狀如鮎而腹黑下出兩手若人狀十指皆具亦人魚也○鮎釋名人魚

又名孩兒魚按孩兒魚有二種生江湖中形色皆如鱸鮠腹下翅形似足其腮頰軋軋音如兒啼卽鮎也一種生溪澗中形聲皆同但能上樹乃鮎魚也又名鮎魚見范蜀公所稱按郭璞云鮎魚四脚前脚似猴後脚似狗大者長八九尺寇宗奭云鮎形微似獼四足腹重墜如囊身微紫色無鱗嘗剖視之中有小魚小蟹小石數枚也○雜俎梵僧普提勝說異魚東海漁人言近獲一魚長五六尺腸胃成胡鹿刀塑之狀號秦皇魚述異記釣洲有一陂陂之中有范蠡魚昔

范蠡釣得大魚烹食之小者放于陂又云和州歷陽
淪爲湖今湖中有明府魚奴魚婢魚○一統志臨海
出望潮魚一名海和尚○海內北經東洋大海有和
尚魚狀如鱉其身紅赤色從潮水而至○志重慶東
南二百五十里有魚池流合岷江圖經云嘗有神魚
遊此世傳巴子魚也○養魚經鰕虎之魚類土附而
腮紅若虎善食鰕俗謂新婦之魚

區別魚

色不一唯以類求或地待顯或因地收何必淵美展

卷與游

朝野僉載峰州有一道水從吐蕃中來夏冷如冰雪
有魚長一二寸來去有時人取烹之而食千萬家取
不可盡不知所從來名峰州魚○雜俎興州有一處
名雷穴水常半穴每雷聲水寒穴流魚隨流而出百
姓每候雷聲繞樹布網獲魚無限非雷聲漁子聚鼓
擊于穴口魚亦輒出所獲半于雷時人呼雷穴魚韋
行規作興州刺史書此事移親故云○晉吳隸爲魚
塞于雲湖有大魚化人語隸云曉有大魚攻塞切勿

殺隸許之須吏有大魚至羣魚從之隸同侶誤殺大魚是夕風雨冥晦魚悉飛上木間因號飛魚逕在九江城西二里○宋天聖中丁少連侍母觀網魚得大鯉命烹之庖人驚報魚頂生角魚已濱死少連祝曰魚若變化分當再活試以水圍圍如初遂放于清石潭盧載作送角鯉文因以名池在醴陵縣東○東湖魚產南昌其湖水清魚美宋徐俯詩東湖春水百魚金是也又曲江魚此魚食金花水其味美又南川九遞山下有水潴爲池中產異魚人不敢取名九遞魚

○鯉水源出**黃江**其流會于保水春多鯉魚在南雄西十里鯉魚潭水浚碧中有異魚如鯉人取而烹食之則化水在瓊州澄邁縣南五十里又魚爺井水極清冽相傳泉與海通中有一大魚頭白俗呼魚爺呼之輒出在文昌縣西○宋景公食善星文有淇漳之鱧中山經有岨山江水之鰲

足魚

鱗鬣發發浮空若跋名異形殊乳洞濡沫鮪鯢般鱗從類槩括建同浮胡推之愈濶

北戶錄全義

嶺表錄異作金義嶺

之西南有山曰盤龍山有乳

洞洞有金沙龍盤魚皆四足修尾丹腹狀如守宮游
泳水濱人莫敢犯按御覽云龍蟠山有石洞洞中小
水有四足魚皆如龍形人殺之卽風雨也狀唐韻云
鰓魚四足鯢鯢別見但未見言其可致風雨耳公路
因思道書說五頭魚三足鹿皆神化所致不可以類
而推也○榮經水及西山溪谷出鮒魚有足能緣木
聲如兒啼蜀人食之○山經樂游山桃水出焉中多
鱮音骨與音滑者不同此魚狀如蛇而四足是食魚疑卽鱮○

篇海鮫

音役

魚有四足○梧州放生池中多鱮魚有四

足死後頭骨牙齒朽落至五月後更生骨盡乃止此
疑鱣類○真臘國出建同魚四足無鱗鼻如象吸水
上噴高五六丈又浮胡魚八足狀如鮓背如鸚鵡○
宜興頤山潛虬泉幽澗泓澄中有異魚四足能行率
數歲一出出必有水災

色魚

洪纖匪一五色備焉豈其水府染績有權

北戶錄歷澗潭有五色魚○中山經景山睢水出焉

中多文魚○拾遺記鮫沉羽淵化玄魚時楊髻振鱗
橫游波上見者謂爲河精又瀛洲名環洲東有淵洞
有魚長千丈色斑鼻端有角時鼓舞羣戲遠望水間
有五色雲就視乃此魚噴水爲之慶雲之麗無以加
也○裴晉公謂門人曰吾死無所繫但午橋莊松雲
嶺未成軟碧池繡魚尾未長漢書未終篇爲可恨耳
○元志廣州有赤魚又韶州府東南五十里溫泉中
時見赤魚游泳人不敢捕○昌化縣西北千頃山有
龍湫魚皆金銀色禱雨多應○長陽平定鄉小山下

有三洞泉出會而爲潭中有青白大魚俗呼隨龍魚
人不敢獲○粵西陽朔縣西十五里有異魚塘中有
魚綠鱗而紅鬣○劍州普安廢縣浴丹池唐杜光庭
浴丹之所池有魚赤鬣色如金飛躍其中或揆取必
觸風雨之變

器形魚

鋸筭鞘鏡以形似名斗拌筆管亦詭厥生腦金抱石無
忝別旌

寰宇記惠州出鋸魚亦名狼藉魚身長二丈口長三

尺廣三寸左右齒如鐵鋸南越志作鋸魚○漁書云
鋸魚生大海中不多見其牙齒長五六尺兩傍如鋸
齒故名漁人云此魚惜齒齒掛于網則身不敢動恐
傷其齒諺謂千劬之鋸命懸一絲是也○筭魚色白
如筭長尺餘又一種越王筭大如筭白色生海邊池
中見卽取之可得少待則入土中矣○鮪魚出江湖
形如馬鞭尾有兩岐如鞭鞘因名○雜俎濟南郡東
北有鱸坑相傳魏景明中有人穿井得魚大如鏡其
夜河水溢入此坑坑中居人皆化鱸又異物志南方

鏡魚圓如鏡○南越志石魚形圓如七斗拌又君魚
長三寸背上骨如筆管大者似口逢諸細魚及鼃皆
斷之○博物志金魚腦中有麤金出功婆塞江○吉
安龍泉縣小江出抱石魚又太原保德州出石花魚
異同魚

波食欣賜逐侶而遊形味互似豈亦賁優

首句見關尹子○南越志真魚如織絲魚又云織杼
魚如真魚背上正青又寄魚長三寸似白魚常附海
船以濟洪波一曰寄載魚又鱮魚似魮鱣尾上有刺

如欂樹刺也○鯽魚似蛇長一丈○鱒魚似鱉無甲
有尾口在腹下土人呼爲定魚又謂之鑊蓋魚取其
形似有蠶尾世言螫人劉姓輒死他不皆然當是惡
業所感○鰈海魚似鰠肥美○鰈魚似鰠相如賦鰠
鰈鰈魚○齋音齊魚出漢水似鯉而小○鰈魚似魴色
白鼻長

羽鮮

魚禽易化不隔天淵今之似者應謚羽鮮

山海經子桐山子桐之水出焉西注餘如之澤中多

鰮音滑肉狀如魚而鳥翼出入有光音如鴛鴦見則大

旱○青箱雜記海有魚虬尾似鴟用以噴浪則降雨

漢柏梁災越王上厭勝之法乃大起建章宮遂設鴟

魚之像于屋脊以厭火災卽今世鴟吻是也○惠州

志黃雀魚常以八月化黃雀十月後仍入海化魚○

廣州元志有鳳尾魚○安南嘉興州蒙縣龍門江漢

書封谿縣隄防龍門水卽此傍有穴多出鸚鵡魚色

青綠口曲而紅似鸚鵡相傳此魚能化龍云○象山

縣西東攝潭舊潭中產鶴龜其甲尺許背如鸚鵡尾

長八九寸鱗甲炯然

亂壙魚

不隸毛王詭形水族良惡性同無傷並育

肇慶志陽江縣江中有潛牛形似魚能上岸與牛鬪
角軟還入水堅則復出○廣志東海有馬鰵魚或云
馬交○南越志鼠魚頭似鼠○文登志縣北海中有
海驢常以八九月上島產乳其皮水不能潤可以禦
雨又海狸亦上牛島產乳逢人則化魚入于水○雜
俎象浦有馬頭魚色黑長五丈餘頭如馬伺人入水

食之又周陵溪中有魚其頭似羊俗呼羊頭魚豐肉
少骨殊美于餘魚○海豚腦上有孔噴水直上百數
爲羣人先取其子繫水中母自來就取之河豚無類
無鱗觸之則怒氣滿腹江豚鼻中作聲出入水上舟
人候之知風雨○南方物狀水猪魚似猪形

異魚圖贊補卷中 終



